



國家清史編纂委員會·文獻叢刊

六編

清代稿鈔本

第二五六冊

國家清史編纂委員會・文獻叢刊

六編

清代稿鈔本

第二五六冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

・廣州・

第二五六冊目錄

龍山鄉志稿……………一

海甸野史……………一八一

龍山鄉志稿

不分卷

溫肅 撰

稿本

龍山鄉志稿

已抄

列傳二

陳恭尹

陳恭尹字元孝晚號獨漉邦彥子順治四年丁亥邦彥殉難廣州
時恭尹年十七脫身走弼唐父友增城湛粹義士也遣奴密操
舟密迎恭尹至新墟有迹之者汲急走泥子灣田舍中知縣徐
士賡疑匿粹所執粹下獄粹賄以千金事得解乃莊恭尹於其
家之複壁李成棟復為明迎桂王都肇慶恭尹出複壁上疏陳
父殉難狀司封索紙筆賞千金恭尹不與因贈邦彥太僕卿蔭
一子讀書國學南昌饒元璜以郵典不稱疏請中前旨下部議
帝法潘應斗夜夢畫圖上有雲氣五色一老人指謂曰此給諫

陳公血也醒異之覆疏上得加贈諡蔭恭尹錦衣衛指揮僉事
廣州再破恭尹避兵西樵築幾棲於寒瀑洞念國破君亡輒失
聲恸哭思以身殉辛卯秋乃間闕入閩自閩而浙而金陵時魯
王竄舟山鄭成功屯兵南閩海不敢進恭尹往來觀變者三年
一日遇父友於途責之曰君先人未葬四世宗祊無託奈何欲
以一死塞責耶恭尹泣謝之遂歸甲午^夏就婚於新塘湛氏粹女
也丁酉春乃奉先人柩合葬於增城之九龍山旋聞諸遺臣多
逃避海外戊戌春復興何絳出厓門渡銅鼓洋訪焉其秋踰嶺
北行至贛聞妻生男喜曰吾先人有後矣遂名之曰贛時桂王

在滇恭尹欲從之乃取道宜春至昭潭值大兵進剽道阻不得前因登衡岳汎洞庭順流江漢之間至蕪關值海舶之亂時鄭成功奉明正朔遺臣多依之恭尹亦走謁軍中上奏記言事與張立著張書紳朱子咸同任參謀鄭兵旋敗退恭尹遂濟江入汴北度黃河徘徊太行之下中原兵燹後人物蕭條間有一二遺民恭尹相與撫時感事對坐飲泣見者為之駭怪先是母艱苦次夢有大象十餘頭過門象上有人羊裘而操琵琶旦以告父父曰異夢也必有徵及是還轅鄭州遇象騎十三自南而北宛然昔夢驚問之知大兵入滇南桂王走緬甸故先以所獲

象獻捷恭尹是遊志在西南而行乃東北玉是歎曰予之飄泊
於此命也夫鬱鬱南歸逾年聞桂王殉殂大慟遂不復出初依
妻族居新塘康熙壬寅後返順德居羊額鄉與何絳何衡梁璉
陶璜遊時稱北田五子已復往來羅浮諸山中自號羅浮布衣
戊申夏妻死自以德不及黔婁老萊而使糟糠終貧賤為程嬰
杵臼所立孤而行能遊趙武哭之甚哀所為祭文雖自述報德
未能之私而實寫其當日枕戈寢塊遺怨甲寅以後三藩變起
恭尹以虛名為累周旋刀鋒箭鏃中又文字為時所指目戊午
秋下於理者二百餘日其禍視履巢破卵時尤酷既得釋自念

四世一絲租入僅支兩月干戈之際又以不出見人積為疑謗
乃卜居會城小禺山舍賣文為活貴人折節下交者即與之禮
接用是冠蓋交遊贈答無虛日或疑其先後易轍肆為訾謗惟
晉江潘鼎江深知恭尹以為世皆皮相未悉肺腑秀水朱彝尊
亦謂其降志辱身終當進之逸民之列恭尹嘗繪九邊圖疏明
阨吭藏之篋衍又能指陳象緯於分野雖次數占驗晰若毫
芒為人脩髯偉貌器局深沈經歷百折而鋒銳不露至鬱不得
逞乃託於遊燕唱酬以自掩梁佩蘭言恭尹以詩文名乃其不
幸云恭尹少與屈大均程可則同學即善為詩及長賦姑蘇懷

古諸詩傾動一時朱彝尊王士正趙執信先後遊粵俱與訂交
世以其詩與梁佩蘭屈大均並稱嶺南三大家趙執信謂其詩
沈健有格王士正謂恭尹在三家中尤清迥拔俗得唐賢三昧
朱彝尊則謂大均祇工五言不若恭尹諸體俱稱逮乾隆間洪
亮吉論三家詩則云獨得古賢雄直氣嶺南尤似勝江南杭世
駿論恭尹詩則云悽涼懷古意豈是屈梁能其推挹並至晚好
道結願放生有乞其書者籠鳥而至視鳥多寡羸縮其書閤筆
開籠其四方碑版之酬亦即遇物放生貲盡乃已庚辰年七十
卒著有獨漉堂文集十五卷詩集八卷恭尹雖不鄉居而於里

中要國學真同詳順治六年興鄧深林鍾冰龔葉嚴公馮悅卷
盧呂梁黃鳴芳葉奇毓等創義正會修復邦彥鄉兵遺法重中
禁約汝故十年鄉兵分回各方盜日滋恭尹猶致書黃天象名
心議以墟租羨餘添沃鄉兵春桑梓玉老不忘嘗董修金紫
閔諸廟出貲為祖祠設祭田以供祭祀其勇於為義鉅細不遺
又康熙丙辰有樞勢某罷餉佛山生民塗毒賴恭尹一言立解
與花山設縣之舉阻尚藩取礮於羊額故事均嘖嘖在人口也
子三輯勵造國史文苑傳阮通志府志縣志溫志
勝朝粵東遺民錄獨渡堂集獨渡先生年譜

鄧騰芳 鄧明亮 鄧藻

鄧騰芳字鼎輝號潔林排涌人少穎悟力学不輟淹貫經史兼通
詞賦順治間拔貢生官惠州府龍川縣儒學秩滿解組歸隱於
螺陽之側開宜園放歌亭池臺樹遍栽花卉顏其室曰醉耳山
房日與陳恭尹諸先輩銜觴賦詩嘯咏自適恭尹早年誅義正
會於鄉騰芳資為之首生平著作甚富詩文自成一家惜遺稿
散佚所存僅宜園集一帙同族明亮字則裕號理亭博學能文
補清遠縣學廩生康熙庚子舉人生平高淡不事趨競授湖北
宜昌府巴東縣以年老辭不就職改授澄邁教諭未幾卒於官

澄邁選舉表作隆海

年六十八居鄉人欽其直有爭鬪者皆赴質焉無不帖服鄭藻
字彥超號大山性敏嗜學爲行好義弱冠補諸生屢薦不售以
歲貢終士林惜之居鄉品望甚隆其爲教諄諄以德行為本文
藝爲末故從之遊者多篤學士著有詩集文集藏於家卒年六
十八溫志

黃錦心黃瑄

黃錦心字貞猷一字天襄號絢齊岡頭人弱冠補郡學廩生康熙
癸卯舉人初選授江南鳳陽府五河縣知縣充辛酉科鄉試同
考官取士七人五人連捷成進士上司悉喜書為國掄才四字
贈之再任陝西西安府同官縣值歲饑發倉廩賑貧乏朝衣典
盡衙內一空陞雅州知州居官以息事寧人為主尤獎勵人
材銜鑒不爽門人王暉烈初謁特器重之後至提學左都御史
左必著少受紫門情即決其異日貴顯故後進之士日以盈門
為文雄深雅健工書法晚喜畫牡丹以強仕就官年踰五十即